




I FOSSII, OLMIS DE PREISTORIE

Za trê milions di agns indaûr a esistevin formis di vite su la Tière: a son stâts cjatâts claps che a vevin dentri bateris, ben si intint no plui vîfs. Lis pieris fossilis a son dut ce che al reste cuant che une creature vive e mûr e e ven involuçade dal pantan o dal savalon. Il pantan si è induit intor de creature; cuant che la sô materie si è decomponude, al è restât il "scus" di pantan sec cu la forme de creature aromai sparide. Dentri dal "scus" a son restâts i rescj minerai di chel che prime al jere alc di vîf. **I fossii plui numerôs a son stâts cjatâts intal mâr:** ma intai lâts si son cjatâts fossii di plantis e fintremai di dinosaurs. Volêso scuvierzi cemût che a son rivâts fin chi di nô i fossii dai animai vivûts inte preistorie? Fasêt chest esperiment (al durarà doi dîs invezit che... miârs di agns!).



LA FILASTROCJE

URSULE PARUSSULE

Ursule parussule
Ce fâstu sun chê vît?
O mangji pan e coculis,
E o spieti gno marît.
Gno marît al è lât in France
A comprâ une balance
Par pesâ gno barbe crot
Che al pesave cent e vot.

CE ISAL?

Dîs a tirin, cinc a sburtin e il muart al va sù pal vîf
La rispueste tal prossim numar!



PIRON È SEDON



Setembar, mês di Cartufulas!

Ce covential par mangjâ in 4:

- 1 kg di patatis
- 200g di farine di flôr
- 1 uf
- sâl

Ce covential par cuei:

- une padiele avonde grande, che ai gnocs ur plâs stâ in tante aghe;
- un rai par tirâju fûr... ma no la bestie, la cjace! ;-)

Si comence preparant lis patatis: lavilis e metilis te aghe salade e bulinte ancjemò cu la scusse.

Fasilis boli fin cuant che a son cuetis, tirilis fûr de aghe, spelilis e frucilis. Atenzion che a son cjaldis, fasiti judâ!

Lavore suntune taule o suntune bree ben infarinade. Cuan che lis patatis si saran disfredadis zonte l'uf e rompilu cuntun piron e messede ben. Po zonte il sâl e la farine un pôc ae volte



L'Esperiment

Ce che al ocor

- doi contignidôrs taronts vueits;
- zes in polvar;
- un pinel;
- aghe;
- petroli;
- un pocjis di capis piçulis;

Cemût che si fâs

1. Jemplait fin a 1/4 un contignidôr cul zes in polvar e, messedant cuntune sedon, zontait la aghe fin cuant che il messedum al cjape une consistence cremose
2. Pinelait une piçule quantitât di petroli su la part difûr des capis e poiailtis, cu la lôr part difûr, sul messedum. Cjalcjaitlis a plan stant atents a no fâ jentrâ il messedum dentri des capis.
3. Lassait polsâ par une gnot. Il dì dopo, gjavait cun delicatece lis capis e pinelait un vèl sutil di petroli par difûr dai calcs.
4. In chel altri contignidôr messedait un pôc di zes cu la aghe e strucjait il gnûf messedum dentri dai calcs. Lassait suiâ par une gnot. Distacait i tocs di zes de estension: a son la copie precise des capis!

gjavât di Tesciplui4, La Scuola Editrice

UNE RIDUÇADE...



Dôs surisutis a son devant di un cine e une i domande a chê altre: - **Vino di jentrâ?**
E chê altre i rispuint:
No, a son dome cuatri gjats!

e messede ancjemò un pôc. Tu âs di fâ come une bale, cence gnocs ma morbide. Divît l'impast in tancj tocuts che tu âs di fâ rodolâ su la taule par che a devintin luncs come sarpins.

Cuntun curtis taiju in tancj tocuts... e i gnocs a son pronti! Lassiju polsâ par 15 minûts su la taule infarinade e met sù la aghe par cueiju. Cuan che e bol metiju dentri un pôcs ae volte e, cuant che a vegnin sù, tiriju fûr cul rai. Fâs atenzion a no scotâti!

E cumò cuinciju cul pomodoro, la spongje e la salvie, il ragù... val a dî cun dut ce che ti plâs!




La setemane che e ven ti insegnin a fâ un Dolç facil ma speciâl... ten di Banbe un "sarpint"!

La direzion e je arlef@regione.fvg.it
La redazion si riserve di tamesâ i tescj pe publicazion eventual.

Ideazion e coordonament di Elisabetta Pozzetto
"Piron e Sedon" par cure di Federica Angeli
Fumuts di Giovanni di Lena, al à colaborât Christian Romanini



Rispuint come Proust



Non Riccardo

Etât

7 agns

Dulà sêstu a stâ

Udin

Ce ti plasiâ de tô citât/dal to pais

il gjistiel

Ce no ti plasiâ de tô citât/dal to pais

no son avonde zardinuts par zuiâ

Miôr ami o amie

Francesco, Alessio

Il to difiet

O soi un sbilf

Il difiet dai tiei gjenitôrs?

des voltis a son masse serens

La ultime volte che tu âs vajût

qualchi di za fa

Lis vacancis plui divertentis

In Svizere

Il colôr che ti plâs di plui

Vert e blu

Il nemâl che ti plâs di plui

Sobre cui ocjâi

Ce robe ti avilissie

Viodi un nemâl che al patis

Ce no ti plasiâ fâ

fâ lis codis in autostrade

Ce ti fasiâ pôre

Il scôr

Ce volaressistu fâ di grande/grant

Linzehîr

Il libri o film che ti à plasût di plui

La copasse Ninja

I nons che ti plasin di plui

Riccardo, Leonardo

Robe di bevi preferide

Te e Narangade

Robe di mangjâ che ti plâs di plui

Pizza e paste

Personaç preferit/preferide

Spider-Man e Iron M.

Il to pipinot

Un orsut

Par partecipâ ae rubriche lis domandis a van discjamadis dal sît www.arlef.it, compiladis a man e inviadis insiem cuntune foto e la liberatorie firmade dai gjenitôrs a: arlef@regione.fvg.it

I fruts che a parteciparan a podaran ritirà in ARLeF une copie dal dvd cui cartons de "La Pimpa par furlan"

